



თვითმმართველი თემი  
თელავის მუნიციპალიტეტის საკრებულო

განკარგულება № 8

2015 წლის 30 იანვარი

თვითმმართველი თემი თელავის მუნიციპალიტეტის  
საკრებულოს ფრაქცია „ძლიერი სოფელი“-ს დაფუძნების  
ცნობად მიღების შესახებ

საქართველოს ორგანული კანონი “ადგილობრივი თვითმმართველობის კოდექსი”-ს 30-ე მუხლის და თვითმმართველი თემი თელავის საკრებულოს რეგლამენტის 35-ე მუხლის თანახმად,

1. თვითმმართველი თემი თელავის მუნიციპალიტეტის საკრებულოს ფრაქცია „ძლიერი სოფელი“-ს დაფუძნება და ფრაქციის თავმჯდომარედ დეპუტატ გელა სეხნიაშვილის არჩევა მიღებულ იქნეს ცნობად;
2. განკარგულება ძალაშია გამოქვეყნებისთანავე;
3. ამ განკარგულების გასაჩივრება შესაძლებელია თელავის რაიონულ სასამართლოში (ქ.თელავი, დ.აღმაშენებლის გამზ. №41) მისი ძალაში შესვლიდან ერთი თვის ვადაში.

საკრებულოს თავმჯდომარე



პაატა გიორგობიანი

თვითმმართველი თემი თელავის მუნიციპალიტეტის საკრებულოს  
იურიდიულ საკითხთა კომისიის სხდომის

დ ა ს კ ვ ნ ა

თვითმმართველი თემი თელავის მუნიციპალიტეტის საკრებულოს იურიდიულ საკითხთა კომისიამ განიხილა თელავის მუნიციპალიტეტის საკრებულოს დეპუტატების: 1. გელა სეხნიაშვილის 2. მაია ნაცვლიშვილის 3. გიორგი აივაზაშვილის მომართვა და აღვნიშნავთ, რომ საკრებულოს დეპუტატების მიერ ფრაქცია „ძლიერი სოფელი“ დაფუძნებულია საქართველოს ორგანული კანონის „ადგილობრივი თვითმმართველობის კოდექსი“ 30-ე მუხლის და თვითმმართველი თემი თელავის მუნიციპალიტეტის საკრებულოს დებულების 35-ე მუხლის მოთხოვნათა სრული დაცვით, შესაბამისად ფრაქცია „ძლიერი სოფელი“ ექვემდებარება რეგისტრაციას.

კომისიის თავმჯდომარე:

ნ. ბათ

ნ. ხვისტანი

22.01.2015.წ.

თვითმმართველი თემი თელავის მუნიციპალიტეტის  
საკრებულოს იურიდულ საკითხთა კომისიის  
თავჯდომარეს, ქალბატონ ნანა ხვისტანს  
თვითმმართველი თემი თელავის მუნიციპალიტეტის  
დეპუტატების: გელა სეხნიაშვილის,  
გიორგი აივაზაშვილის და მაია ნაცვლიშვილის

განცხადება

თვითმმართველი თემი თელავის მუნიციპალიტეტის საკრებულოს  
დეპუტატებმა: გელა სეხნიაშვილმა, გიორგი აივაზაშვილმა და მაია ნაცვლიშვილმა  
მივიღეთ გადაწყვეტილება შევქმნათ ფრაქცია „ძლიერი სოფელი“.  
მიმდინარე წლის 3 იანვარს ჩავატარეთ ფრაქციის დამფუძნებელი სხდომა (ოქმი  
თან ერთვის), სადაც მიღებულ იქნა ფრაქციის პლატფორმა და წესდება.  
გთხოვთ, მიიღოთ შესაბამისი ზომები აღნიშნული ფრაქციის  
რეგისტრაციისათვის.

პატივისცემით,

საკრებულოს დეპუტატები:

1.

2.


3.

/გელა სეხნიაშვილი/

/გიორგი აივაზაშვილი/

/მაია ნაცვლიშვილი/

თარიღი: 06.01.2015 წელი



თვითმმართველი თემი თელავის მუნიციპალიტეტის  
საკრებულოს ფრაქცია „ძლიერი სოფელი“

სხდომების ოქმი #1

თვითმმართველი თემი თელავი

06.01.2015წ.

დღის წესრიგი:

1. თვითმმართველი თემი თელავის მუნიციპალიტეტს საკრებულოში ფრაქციის „ძლიერი სოფელი“-ს პოლიტიკური პლატფორმისა და წესდების დამტკიცება.
2. ფრაქციის ხელმძღვანელი პირების არჩევა.

სხდომას ესწრებოდნენ:

- 1.გელა სეხნიაშვილი
- 2.გიორგი აივაზაშვილი
- 3.მაია ნაცვლიშვილი

სხდომას თავმჯდომარეობს: გიორგი აივაზაშვილი

სხდომის მდივანი: მაია ნაცვლიშვილი

დღის წესრიგი დამტკიცდა სამი ხმით არცერთის წინააღმდეგ.

ფრაქციის პოლიტიკური პლატფორმა და წესდება წარმოადგინა  
გიორგი აივაზაშვილმა  
აზრი გამოთქვეს გელა სეხნიაშვილმა და მაია ნაცვლიშვილმა

კენჭისყრის შედეგად:

- ფრაქციის პოლიტიკური პლატფორმა დამტკიცდა სამი ხმით არცერთის წინააღმდეგ.
- ფრაქციის წესდება დამტკიცდა სამი ხმით არცერთის წინააღმდეგ.

ფრაქციის თავმჯდომარედ გიორგი აივაზაშვილის მიერ დასახელდა გელა სებნიაშვილი. კენჭისყრის შედეგად ფრაქციის თავმჯდომარედ აირჩია გელა სებნიაშვილისამი ხმით არცერთის წინააღმდეგ.

ფრაქციის თავმჯდომარის მოადგილედ გელა სებნიაშვილის მიერ დასახელდა გიორგი აივაზაშვილი. კენჭისყრის შედეგად ფრაქციის თავმჯდომარის მოადგილედ აირჩია გიორგი აივაზაშვილი სამი ხმით არცერთის წინააღმდეგ.

ფრაქციის სხდომამ ასევე დაადგინა, რომ:

საქართველოს ორგანული კანონის „ადგილობრივი თვითმმართველობის კოდექსი“ 30-ე მუხლის და თვითმმართველი თემი თელავის მუნიციპალიტეტის საკრებულოს დებულების (რეგლამენტის) 35-ე მუხლის საფუძველზე ფრაქციის თავმჯდომარის მიერ წარედგინოს თვითმმართველი თემი თელავის მუნიციპალიტეტის საკრებულოს თავმჯდომარეს.

სხდომის თავმჯდომარე: გელა სებნიაშვილი

სხდომის მდივანი: მაია ნაცვლიშვილი

თარიღი: 06.01.2015წ.

თელავის მუნიციპალიტეტის საკრებულოს ფრაქცია „ძლიერი  
სოფელი“

წესდება

**მუხლი 1. ზოგადი დებულებანი**

1.1 თელავის მუნიციპალიტეტის საკრებულოს ფრაქცია „ძლიერი სოფელი“ (შემდგომში ფრაქცია) არის საკრებულოში (შემდგომში საკრებულო) საქმიანობის კოორდინაციის მიზნით შექმნილი საერთო პოლიტიკური შეხედულებისა და ინტერესების მქონე საკრებულოს წევრთა ნებაყოფლობითი გაერთიანება.

1.2 ფრაქცია იქმნება და საქმიანობს საქართველოს კონსტიტუციის, საქართველოს ორგანული კანონის „ადგილობრივი თვითმმართველობის კოდექსის“, საკრებულოს რეგლამენტის, სხვა სამართლებრივი აქტებისა და ამ წესდების შესაბამისად.

**მუხლი 2. ფრაქციის ამოცანები და მიზანი**

2.1 ფრაქციის ამოცანებია:

- ა) საკრებულოსა და მისი ორგანოების საქმიანობაში მონაწილეობა;
- ბ) ფრაქციის წევრების აქტიურობის გაზრდისა და შესაძლებლობათა მაქსიმალური გამოვლენისადმი ხელშეწყობა;
- გ) საკრებულოს საქმიანობის განხორციელებისას ფრაქციის შეჯერებული აზრის გამოხატვა.

2.2 ფრაქციის მიზანია საკრებულოს მიერ საკითხების განხილვა-გადაწყვეტისას თავისი პოლიტიკური პლატფორმის შესაბამისი კურსის გატარების ხელშეწყობა.

**მუხლი 3. ფრაქციის შემადგენლობა, წევრობა**

3.1 ამ წესდებაზე ხელმომწერი საკრებულოს წევრები არიან ფრაქციის დამფუძნებელი წევრები.

3.2 ფრაქციის წევრი შეიძლება საკრებულოს წევრი, რომელიც იზიარებს ფრაქციის წესდებასა და მის პოლიტიკურ პლატფორმას და აკმაყოფილებს საქართველოს ორგანული კანონის „ადგილობრივი თვითმართველობის კოდექსის“ 30-ე მუხლის მოთხოვნებს.

3.3 ფრაქციაში გაწევრიანებისათვის საკრებულოს წევრი განცხადებით მიმართავს ფრაქციის თავმჯდომარეს, რომელსაც აღნიშნული საკითხი შეაქვს ფრაქციის უახლოესი სხდომის დღის წესრიგში და საკითხის განსახილველად ფრაქციის სხდომას იწვევს არაუგვიანეს ორი კვირისა ამ განცხადების წარდგენის დღიდან.

3.4 ფრაქციაში ახალი წევრის გაერთიანების შესახებ სხდომა გადაწყვეტილებას იღებს კონსენსუსით.

3.5 ფრაქციის წევრს უფლება აქვს :

- ა) აირჩიოს ფრაქციის წევრი ან თავად იქნეს არჩეული ფრაქციის ნებისმიერ ხელმძღვანელ თანამდებობაზე;
- ბ) მიმართოს ფრაქციის წინადადებით ან ინიციატივით საკითხებზე ,რომელიც შეეხება საკრებულოს საქმიანობას და მოითხოვს ფრაქციის მხარდაჭერას;
- გ) დაუბრკოლებლად გაეცნოს და მიიღოს ფრაქციის მიერ მოპოვებული და ფრაქციაში დაცული ნებისმიერი ინფორმაცია და მასალები;
- დ) ფრაქციასთან, მის თავმჯდომარესთან წინასწარი შეთანხმებით გამოვიდეს ფრაქციის სახელით;
- ე) პოლიტიკურ საქმიანობაში ისარგებლოს ფრაქციის მხარდაჭერით;
- ვ) საკრებულოს რეგლამენტით დადგენილი წესით გავიდეს ფრაქციიდან

3.6 ფრაქციის წევრი ვალდებულია:

- ა)დაიცვას ფრაქციის წესდება;
- ბ)მონაწილეობა მიიღოს ფრაქციის საქმიანობაში;
- გ) საქმიანობდეს ფრაქციის პოლიტიკური პლატფორმის შესაბამისად, არ დაუშვას ამ პლატფორმის საწინააღმდეგო ქმედება, ფრაქციის დისკრედიტაცია;
- დ) შეასრულოს ფრაქციის სხდომის მიერ მიღებული გადაწყვეტილებები.

3.7 ფრაქციას უფლება აქვს სრული შემადგენლობის არანაკლებ ორი მესამედის თანხმობით მიიღოს გადაწყვეტილება თავისი შემადგენლობიდან ფრაქციის წევრის გარიცხვის შესახებ თუ:

- ა) მისი საქმიანობა ეწინააღმდეგება ფრაქციის ამოცანებსა და პოლიტიკურ პლატფორმას;
- ბ) განზრას და/ან არასაპატიო მიზეზით სისტემატურად არღვევს ფრაქციის წესდებას.

3.8 ფრაქციის წევრის ფრაქციიდან გარიცხვის შესახებ საკითხის დაყენების უფლება აქვს ფრაქციის თავმჯდომარეს ან ფრაქციის წევრთა სრული შემადგენლობის ერთ მესამედს. ფრაქციიდან მისი წევრის გარიცხვის შესახებ დაყენებული საკითხი წერილობით უნდა იყოს დასაბუთებული.

#### მუხლი 4. ფრაქციის უფლებამოსილებანი

ფრაქციის უფლებამოსილება განსაზღვრულია საქართველოს ორგანული კანონით „ადგილობრივი თვითმმართველობის კოდექსი“ და საკრებულოს რეგლამენტით.

#### მუხლი 5. ფრაქციის სხდომა

5.1 ფრაქციის უმაღლესი ორგანო ფრაქციის სხდომა

5.2. ფრაქციის სხდომა დახურულია. ფრაქციის გადაწყვეტილებით ფრაქციის სხდომა შეიძლება გამოცხადდეს ღიად.

5.3 ფრაქციის სხდომა იმართება თვეში ერთხელ მაინც ფრაქციის რიგგარეშე სხდომის მოწვევის უფლება აქვს ფრაქციის თავმჯდომარეს საკუთარი ინიციატივით ან ფრაქციის სრული შემადგენლობის არანაკლებ ერთ მესამედს წერილობითი მოთხოვნის საფუძველზე.

5.4 ფრაქციის სხდომა უფლებამოსილია, თუ მას ესწრება ფრაქციის წევრთა სრული შემადგენლობის უმრავლესობა.

5.5. ფრაქციის სხდომა უფლებამოსილია:

- ა) შეიტანოს ცვლილებები და დამატებები ფრაქციის წესდებაში;

- ბ) მიიღოს გადაწყვეტილება საკრებულოს სხდომაზე განსახილველი საკითხის შესახებ ფრაქციის ერთიანი პოზიციის გამოხატვის თაობაზე;
- გ) აირჩიოს ფრაქციის თანამდებობის პირები;
- დ) გადაწყვიტოს ფრაქციის საქმიანობასთან დაკავშირებული ცალკეული საკითხები;
- ე) საკრებულოს რეგლამენტაციით დადგენილი წესით წარადგინოს კანდიდატები საკრებულოს თანამდებობაზე პირთა არჩევით თანამდებობაზე.
- ვ) გადაწყვიტოს ფრაქციის წარმომადგენლობის კვოტების გამოყენების წესი;
- ზ) შეიმუშაოს ფრაქციის ბიუჯეტის ხარჯვის წესი;
- თ) განიხილოს და გადაწყვიტოს ფრაქციაში საკრებულოს წევრის გაწევრიანებისა და ფრაქციიდან წევრის გარიცხვის საკითხი;
- ი) განახორციელოს საკრებულოს რეგლამენტაციით, კანონმდებლობით და ამ წესდებით გათვალისწინებული სხვა უფლებამოსილება.

5.6 ფრაქციის სხდომის დღის წესრიგს ადგენს და ფრაქციის სხდომას დასამტკიცებლად წარუდგენს ფრაქციის თავმჯდომარე . დღის წესრიგში ცვლილებების ( საკითხების ამოღება ან დამატება) შეტანის ინიცირების უფლება აქვს ფრაქციის წევრს. დღის წესრიგი მტკიცდება სხდომაზე დამსწრეთა უბრალო უმრავლესობით.

5.7 ფრაქციის სხდომაზე გადაწყვეტილებები მიიღება, გარდა წესდებით გათვალისწინებული შემთხვევებისა, დამსწრე წევრთა უმრავლესობით.

5.8 ფრაქციის სხდომა განიხილავს ფრაქციის უფლებამოსილებას მიკუთვნებულ საკითხებს.

5.9 ფრაქციის სხდომაზე განსახილველ საკითხებს ამზადებს ფრაქციის ის წევრი, რომელიც არის ამავე საკითხზე წამყვანი კომიტეტის წევრი.

5.10 თუ საკითხი არ განეკუთვნება ფრაქციის არც ერთი წევრის უფლებამოსილებას, საკითხს, ფრაქციის სხდომის გადაწყვეტილებით ან ფრაქციის თავმჯდომარის დავალებით, ამზადებს ფრაქციის ერთ-ერთი წევრი.

5.11 ფრაქციის წევრი განსახილველი საკითხის შესახებ მოსაზრებებს წერილობით, ან ზეპირად წარუდგენს ფრაქციის სხდომას. ალტერნატიული წინადადების ან ახალი ინიციატივის წარდგენა ხდება, აგრეთვე, წერილობით.

5.12 ფრაქციის სხდომა საჯაროდ გამოსატანი საკითხების განხილვის შემდეგ, ფრაქციის პოზიციის გამოსახატავად ნიშნავს გამომსვლელს.

#### მუხლი 6. ფრაქციის თავმჯდომარე

- 6.1 ფრაქციის თავმჯდომარე აირჩევა ფრაქციის უფლებამოსილების ვადით.
- 6.2. ფრაქციის თავმჯდომარე აირჩევა ფრაქციის სხდომაზე ,ფრაქციის წევრთაგან კენჭისყრით, სრული შემადგენლობის უმრავლესობით.
- 6.3. ფრაქციის თავმჯდომარის კანდიდატურის დასახელების უფლება აქვს ფრაქციის სრული შემადგენლობის არანაკლებ ერთ მესამედს.

#### 6.4. ფრაქციის თავმჯდომარე:

- ა) არის ფრაქციის უმაღლესი თანამდებობის პირი;
- ბ) ხელმძღვანელობს ფრაქციის აპარატის საქმიანობას;
- გ) წარმოადგენს ფრაქციას საკრებულოში და მის გარეთ;
- დ) თანამდებობრივად შედის საკრებულოს ბიუროს შემადგენლობაში;
- ე) იწვევს და ხელმძღვანელობს ფრაქციის სხდომას.

6.5. ფრაქცია უფლებამოსილია\* დააყენოს ფრაქციის თავმჯდომარე დაკავებული თანამდებობიდან, თუ ამას წერილობით მოითხოვს ფრაქციის სრული შემადგენლობის არანაკლებ ერთი მესამედი. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის თავმჯდომარე გადაყენებულად ჩაითვლება, თუ გადაწყვეტილებას მხარს დაუჭერს ფრაქციის წევრთა სრული შემადგენლობის უმრავლესობა.

#### მუხლი 7. ფრაქციის მდივანი

7.1. ფრაქცია თავისი შემადგენლობიდან, ფრაქციის სხდომაზე სრული შემადგენლობის უმრავლესობით კენჭისყრით ირჩევს ფრაქციის მდივანს. ფრაქციის მდივნის კანდიდატურის დასახელების უფლება აქვს ფრაქციის თავმჯდომარეს ან ფრაქციის სრული შემადგენლობის ერთ მესამედს.

#### 7.2. ფრაქციის მდივანი:

- ა) ასრულებს ფრაქციის თავმჯდომარის დავალებებს;

ბ) ფრაქციის თავმჯდომარის არყოფნის შემთხვევაში ასრულებს მის მოვალეობებს.

7.3. ფრაქციის მდივნის გადარჩევა შესაძლებელია ფრაქციის თავმჯდომარის ან ფრაქციის სრული შემადგენლობის ერთი მესამედის წერილობითი მოთხოვნით. ფრაქციის თავმჯდომარე ვალდებულია აღნიშნული საკითხი შეიტანოს ფრაქციის უახლოესი სხდომის დღის წესრიგში. ფრაქციის მდივანი გადარჩეულად ჩაითვლება, თუ გადაწყვეტილებას მხარს დაუჭერს ფრაქციის სრული შემადგენლობის უმრავლესობა.

#### მუხლი 8. ფრაქციის აპარატი

ფრაქციის საქმიანობის ორგანიზაციულ-ტექნიკური უზრუნველყოფის მიზნით შეიძლება შეიმნას ფრაქციის აპარატი, რომლის მუშაობასაც ხელმძღვანელობს ფრაქციის თავმჯდომარე.

#### მუხლი 9. ფრაქციის წესდების გადასინჯვა

9.1 ფრაქციის წესდების ზოგადი ან ნაწილობრივი გადასინჯვის ინიციატივის უფლება აქვს ფრაქციის თავმჯდომარეს ან ფრაქციის სრული შემადგენლობის ერთ მესამედს.

9.2. წესდების ზოგადი ან ნაწილობრივი გადასინჯვის პროექტი გაეცნობა ფრაქციის წევრებს და საკითხის ინიცირებიდან ერთი თვის ვადაში განსახილველად შეიტანება ფრაქციის სხდომის დღის წესრიგში.

9.3. ფრაქციის სხდომაზე ფრაქციის წესდების ზოგადი ან ნაწილობრივი გადასინჯვის შესახებ გადაწყვეტილება მიიღება ფრაქციის სრული შემადგენლობის ორი მესამედის თანხმობით.

#### მუხლი 10. ფრაქციის გაუქმება

ფრაქცია გაუქმებულია, თუ ფრაქციიდან წევრთა გასვლის ან გარიცხვის შემდეგ მასში გაერთიანებული დარჩება საკრებულოს სამ წევრზე ნაკლები.

ფრაქციის დამფუძნებელი წევრები:

1. გელა სებნიაშვილი
2. მაია ნაცვლიშვილი
3. გიორგი აივაზაშვილი

# თვითმმართველი თემი თელავის მუნიციპალიტეტის საკრებულოს ფრაქცია „ძლიერი სოფელი“

## პოლიტიკური პლატფორმა

დამკიცებულია 03.01.2015 წ.  
ფრაქციის სხდომის გადაწყვეტილებით

თვითმმართველი თემი თელავის მუნიციპალიტეტის საკრებულოს ფრაქცია „ძლიერი სოფელი“ (შემდგომში ფრაქცია) არის საკრებულოს საქმიანობის კოორდინაციის მიზნით შექმნილი საერთო პოლიტიკური შეხედულებისა და ინტერესების მქონე საკრებულოს წევრთა ნებაყოფლობითი გაერთიანება.

ფრაქცია „ძლიერი სოფელი“ საკრებულოს საქმიანობის ფარგლებში ითანამშროლებს ყველა იმ პოლიტიკურ ძალასთან ,რომელიც გაიზიარებს ფრაქციის სამოქმედო სტრატეგიასა და პრიორიტეტებს.

ფრაქცია აერთიანებს ლიბერალური მსოფლმხედველობის მქონე საკრებულოს წევრებს ვისაც ფუნდამენტურ ფასეულობად მიაჩნია ადამიანის უფლებებისა და თავისუფლებების ხელშეუხებლობა,კანონის უზენაესობა , პლურალიზმი, კერძო საკუთრებაზე დამყარებული თავისუფალი საბაზრო ეკონომიკა და ძლიერი სამოქალაქო საზოგადოება.

### ფრაქცია „ძლიერი სოფელი“:

- ხელს შეუწყობს საკრებულოს ,მისი ორგანოებისა და თანამდებობის პირების საქმიანობის საჯაროობას და მათ მიერ გადაწყვეტილებების მიღების პროცესში მოქალაქეთა ჩართვას,ღია თვითმმართველობის შექმნას;
- განახორციელებს სამოქალაქო ინიციატივების ხელშეწყობასა და სამოქალაქო საზოგადოების განვითარებისათვის საჭირო გარემოს შექმნას;
- მომხრე არის თავისუფალი საბაზრო ეკონომიკის.საქმიანობისას მისი პრიორიტეტებია:კერძო საკუთრების ხელშეუხებლობა,ჯანსაღი კონკურენციისათვის ხელსაყრელი გარემოს შექმნა.სოფლის მეურეობის და ტურიზმის განვითარება,მცირე და საშუალო ბიზნესის ხელშეწყობა;

- მნიშვნელოვან პრიორიტეტად მიიჩნევს თვითმმართველი თემი თელავის მუნიციპალიტეტში სკოლამდელი და სკოლისგარეშე აღზრდის დაწესებულებებში განათლებისა და კულტურის სფეროს პრესტიჟის გაზრდას;
- ხელს შეუწყობს თვითმმართველი თემი თელავის მუნიციპალიტეტში თვითმყოფადობის, შემოქმედებითი საქმიანობის, კულტურული მემკვიდრეობისა და ადგილობრივი მნიშვნელობის კულტურის ძეგლთა მოვლა-შენახვას;
- მხარს უჭერს თვითმმართველი თემი თელავის მუნიციპალიტეტში ეკოლოგიურად უსაფრთხო გარემოს შექმნასა და დაცვას;
- ესწრაფვის შეზღუდული შესაძლებლობების მქონე პირთა, უმწეოთა, უსახლკაროთა და სოციალურად დაუცველთა მხარდასაჭერი მუნიციპალური პროგრამების ამუშავებასა და დაფინანსებას.

ამ და სხვა მიმართულებით ფრაქცია „ძლიერი სოფელი“ შეიმუშავებს და საკრებულოში წარმოადგენს შესაბამის წინადადებებსა და ადმინისტრაციულ-სამართლებრივ პროექტებს.

ფრაქციის მდივანი:

/მაია ნაცვლიშვილი/